

TULAN MULIL PASBIL YU'UN TE A'TEL JTUNELETIK

Ta sjunil mantaril swenta responsabilidades administrativas, tey chikan ta ilel te bin ma xju' spasik ta ya'telik te a'tel jtuneletik:

TULAN MULIL	XCHOLEL TE MULIL
Bin laj yich' pasel	<p>Ja' te a'tel tunel te ay ta sk'anel, stsakel yantik majtanil yu'n spasel te ya'tele sok teme ay ta stael yantik lekilal te maba ja'ix-a te bit'il yakal ta tojele.</p> <p>Jich bit'il tak'in; biluketik, yantik xan, sok nix teme ya spek'ajtesbeyik stojol te biluketik, sok teme ayik ta sk'anel majtanal biluketik, a'telil, sok yantikxan majtanil ta stjol te a'tel jtunel, yinam,sbankiltak sok yantik te sjoyobtak ta a'tel.</p>
Chopol tutesel tak'in	<p>Te a'tel jtuneletik te maba lek yakalik ta stutesel te tak'in yu'un te yajwal tejklumetik yu'un stutesel, stsakel, sk'asesel biluketik, tak'in sok yantik kristianoetik te maba j-a'tel jtuneletik te maba jich albil ta sjunil mantalil yu'un spasel te lekil a'telil.</p> <p>Te a'tel jtuneletik maba ya xju' ya yich'ik koltayel sok te jchukawaletik, muk'ul jchukawaletik yu'un skanantaysbaik ta ya'telik, ja' nax ya xju' staik koltayel teme ayik ta tulan wokolil , ja'to ya xju' ta tikunel koltayel teme jich albil ta sjunil te ya'tele sok teme stao tulan wokolil, sok nix ja'to ya xkanantayot teme jich nopilix yu'un te mach'a yich'oj mantal ta swenta jchukalaletike sok ya yich a'kel ta na'el ta OIC respectivo mok ta Secretaria.</p>
Stutesel stak'in yajwal tajklumetik ta yantik at'elil.	<p>Te a'tel jtuneletik te ayik ta yak'el, sk'anel sok spasel yantik a'telil yu'un stael sok stikunel tak'in yu'un yajwal tejklumetik te maba jich chikan ta mantaril yuunike.</p>
Chopol tutesel k'op a'iyej	<p>Te a'tel jtunel te ya stsak biluketik sok yantik xan biluketik te ayik stojol yu'un ya stoytesbey stojol ta xchonel yu'un slekubtesel skuxlejal ta stukel, jich bit'il yich'el bael tsalwanej ta sjeltayel te k'op a'iyej te ayix snaojibal yu'une.</p> <p>Tulan me sk'oplal te k'op a'iyej te mato sna'ojik yantik kristianoetik.</p>
Chopol a'tel jtuneletik	<p>Te a'tel jtuneletik te ya spasik te bin maba lek ta pasele sok teme ya stoysbaike, swenta ya spasik ust'inwaneje, swenta stael lekilnax yu'unike mok spasel chopolil ta stojol kristianoetik mok a'tel jtuneletik sok te binti maba lek ta pasel te tsakal ta artículo 20 Ter, ta sjunil mantalil Ley General de Access de las Mujeres a un Vida Libre de Violencia.</p>

TULAN MULIL	XCHOLEL TE MULIL
Sujbil ta pasel yu'un stael lekial	Ja' a'tel jtunel te x-och ta spasel, smeltsa'nel, xchapel, stik'elsba ta xchapel k'op a'iyej ta stojol yan krsitano yu'un ay bin yakal ta tael yu'ne.
Ik'el ta a'tel te mach'atik staoik smul sok ajwalil.	Te a'tel jtunel te ya yik'ik ta a'tel te mach'atik makbil ya'telik sok te mach'atik staoik smulik sok ajwalil, ja' ik te mach'atik ma xju' yu'nik ochel ta a'tel jtuneletik, spasel yantik a'telil tas kaj te jich albil yu'un te ajwalil, ta yorail smakel ya'tel te mach'a nutsbil k'axel wenta ma'lek te bin la spase, k'alal stsak ya'tel, teme maba a'bil te ya yich' ya'tele ya me xju' teme tsakalix sbiil ta Siestema Nacional de Servidores Públicos y particulares Sancionados yu'un te Plataforma Digital Nacional.
Snak'el k'ulejalil.	Te a'tel jtunel te ma xyak' ta na'el sok ya snak' te biluketik ay yu'une sok ya snak' te bin smanoje sok te ja' nax stukel nax yakal ta stael kolel sok stak'ine, jich nix ek teme maba ya xju' ya yak ta na'el ta tojnax banti yakal ta Staele.
Muken koltayel	Te a'tel jtunel te ya stun ya'tel yu'un sujel yan a'tel tunel ta spasel te binti maba leke yu'un stael lekilel ta stojole swenta lek ya yich' ilel sok mach'atik junax ay sok ta ya'tele.
Snak'el mulil	Te a'tetel jtunel te ma xyak' ta na'el sok snak' te bin yakal spasel swenta a'tele ja' me maba lek ta ilel abi, sok teme ay bin yan xan y spas yu'un snak'el te mulile.
Ma' xch'unel mantar	Ja' te a'tel jtuneletik te maba xch'unik bael ta yak'el ta na'el sk'oplal ta stojol a'tel jpatanetik, st'unel a'teletik, muk'ul chukawaletik, ta swenta stsaal a'tel jtuneletik sok ta swenta yich'el ta muk' ants winiketik, jich nix teme ma xch'un yalel te bin ya yich' jok'oyele, sok teme lotilnax te bin yakal ta yalele, sok teme ma xyak' ta ora nax te bin jok'obile.
Smkakel lekil chajpanel	Te a'tel jtuneletik te ay ta swentaik st'unel, yilel te macha'tik ayik ta spasel mulil ta ya'telik ya x-ochik tasmakel te lekil chajpanele. Teme ya yak'sbaik ta peke'l ta stojol yantik krsitanoetik ta yorail st'unel tulan mulil. Teme yakalik ta snak'el mulil, tulan mulil ta a'tel, tulan mulil spaso kristianoetik, sok teme maba xjachik ta xchapel ta yorail te bit'il mato k'axem lajune'b xcha'winik k'aal. Sok teme ya spuk ta na'el sok yantik sbil te mach'atik kanantabilik yu'un ma xju' ta ak'el ta na'el sbilike, teme maba jich albil ta sjunil mantaril.

Stojel mulil yu'un mach'atik a'tel jtuneletik te spasojik tulan mulil.

STOJEL TE MULIL	SJALALIL TE YA YICH' AK'EL TA TOJEL MULIL
Skejchanel ta ya'tel	Ta lajuneb xcha'winik ka'jk'al k'alal ta lajuneb yo'winik sk'alalel.
Sjeltayel	Ta ya'tel, ta bin swentainoj
Toj mulil ta tak'in	Ya xju' sta ta cheb welta te bin staoje
Kombeyel ta ya'tel	<p>1.- Ta yoxebal uj, k'alal jun jabil, teme maba tulan sk'oplal te bin laj yich' pasele , teme maba jajtalaj te mach'a ay bin chopol la spase.</p> <p>2.- Ta jun k'alal ta lajuneb jabil teme tulan sk'oplal ta stojol te bin chopol laj yich' pasele, teme maba la sta bael te lajunwinikte bin ya spasik jujun k'ajk'al ta Unidad de Medida y Actualización.</p> <p>3.- Ta lajubel k'alal ta jtab jabil teme k'ax ta jajtalal te bin la spase.</p>

Ya me yich' meltsa'anel ta Tribunal te macha'tik te bayel smul ay ta stojolike.